

სახელმწიფო შესყიდვის შესახებ ხელშეკრულების პროექტი

(ხელშეკრულების პროექტი ატარებს ნიმუშის ხასიათს და მისი საბოლოოდ შეჯერება მოხდება მიმწოდებელთან ხელშეკრულების დადების პროცესში სატენდერო დოკუმენტაციისა და მიმწოდებლის სატენდერო წინადადების გათვალისწინებით)

ქ. თბილისი

----- წ.

ერთის მხრივ სსიპ „სოციალური მომსახურების სააგენტო“ (შემდგომში - „შემსყიდველი“), წარმოდგენილი მისი დირექტორის ----- სახით და მეორეს მხრივ, ----- (შემდგომში - „მიმწოდებელი“), წარმოდგენილი მისი დირექტორის, ----- სახით (ორივე ერთად წოდებული - „მხარეებად“), „სახელმწიფო შესყიდვების შესახებ“ საქართველოს კანონის და პრეტენდენტის (-----) სატენდერო წინადადების საფუძველზე, NAT ელექტრონული ტენდერის (CPV კოდი 90900000) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს „შემსყიდველის“ საჭიროებისთვის ----- სოციალური მომსახურების სამხარეო ცენტრი და რაიონული განყოფილებების ოფისების (შემდგომში - „ტერიტორიული ერთეული“) დასუფთავების მომსახურების (შემდგომში - „მომსახურება“ ან „შესყიდვის ობიექტი“) სახელმწიფო შესყიდვა.

1.2. გასაწევი მომსახურების ჩამონათვალი, მისამართები, ერთი თვის ღირებულება და საერთო ღირებულება მოცემულია N1 დანართში, რომელიც დაერთვის წინამდებარე ხელშეკრულებას და წარმოადგენს მის განუყოფელ ნაწილს.

2. ხელშეკრულების ღირებულება

2.1. ხელშეკრულების ღირებულება შეადგენს ----- ლარს.

2.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი/მოსაკრებელი/სახდელი, რომლის გადახდა ეკისრება „მიმწოდებელს“.

3. მომსახურების გაწევის პირობები

3.1. ხელშეკრულებით გათვალისწინებული მომსახურების გაწევას „მიმწოდებელი“ უზრუნველყოფს N1 დანართით გათვალისწინებულ ოფისებში - 2022 წლის -----.

4. შესყიდვის ობიექტის მიღება-ჩაბარების წესი

4.1. შესყიდვის ობიექტის მიღება-ჩაბარება ხორციელდება შემდეგი პირობების შესაბამისად:

4.1.1. ყოველთვის არა უგვიანეს საანგარიშო თვის ბოლო სამუშაო დღისა, „შემსყიდველის“ შესაბამისი ტერიტორიული ერთეულის უფლებამოსილ პირ(ებ)სა და „მიმწოდებლის“ უფლებამოსილ წარმომადგენელს/წარმომადგენლებს შორის ფორმდება „შესრულებული მომსახურების აქტი“ (შემდგომში - „აქტი“), წინამდებარე ხელშეკრულების დანართი N2 შესაბამისად (N2 დანართი დაერთვის წინამდებარე ხელშეკრულებას და წარმოადგენს მის განუყოფელ ნაწილს);

4.1.2. წინამდებარე ხელშეკრულების 4.1.1. ქვეპუნქტით განსაზღვრული „აქტის“ ხელმოწერიდან არა უგვიანეს 5 (ხუთი) სამუშაო დღეში „შემსყიდველის“ ტერიტორიული ერთეულ(ებ)ის უფლებამოსილი პირ(ებ)ი უზრუნველყოფს „აქტის“ წარდგენას „შემსყიდველის“ ცენტრალურ აპარატში. წინამდებარე ხელშეკრულების მიზნებისთვის, ცენტრალურ აპარატში წარდგენად ჩაითვლება „აქტის“ და სათანადო თანხლები წერილის ატვირთვა „შემსყიდველის“ სისტემაში არსებულ საქმისწარმოების ელექტრონული პროგრამაში;

4.1.3. წინამდებარე ხელშეკრულების 4.1.2. ქვეპუნქტის შესაბამისად „აქტის“ წარდგენის შემდგომ, „შემსყიდველი“, ფაქტობრივად გაწეულ მომსახურებაზე, „მიმწოდებელთან“ აფორმებს „მიღება-ჩაბარების“ აქტს, რომლის ხელმოწერას „შემსყიდველის“ მხრიდან უზრუნველყოფენ სამეურნეო უზრუნველყოფის სამმართველოს უფროსი (ან მისი მოვალეობის შემსრულებელი) და სამეურნეო უზრუნველყოფის სამმართველოს მთავარი სპეციალისტი ლევან ლაბაძე, ხოლო „მიმწოდებლის“ მხრიდან უფლებამოსილი წარმომადგენელი/წარმომადგენლები;

4.1.4. წინამდებარე ხელშეკრულების 4.1.3. ქვეპუნქტით გათვალისწინებული „მიღება-ჩაბარების“ აქტის გაფორმების საფუძველზე, „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას, საგადასახადო კოდექსით დადგენილი წესითა და ვადებში.

4.2. დეკემბრის თვის მომსახურებაზე 4.1. პუნქტით გათვალისწინებული დოკუმენტები წარმოდგენილ უნდა იქნეს არა უგვიანეს 2022 წლის 25 დეკემბრისა.

5. ანგარიშსწორების ფორმა და ვადები

5.1. ანგარიშსწორების ფორმა – უნაღდო ანგარიშსწორება.

5.2. ანგარიშსწორება განხორციელდება წარმოდგენილი საგადასახადო ანგარიშ-ფაქტურის, დანართი N2-ის და მიღება-ჩაბარების აქტის საფუძველზე, ყველა ამ დოკუმენტის წარმოდგენიდან არა უგვიანეს 10 (ათი) სამუშაო დღის ვადაში. ამ პუნქტით განსაზღვრული დოკუმენტების სრულად (ერთობლივად) წარმოდგენის გარეშე ანგარიშსწორება არ განხორციელდება, ხოლო დეკემბრის თვის ანგარიშსწორება - არა უგვიანეს 2022 წლის 31 დეკემბრისა.

6. მხარეთა ვალდებულებები

6.1. „მიმწოდებელი“ ვალდებულია:

- 6.1.1. უზრუნველყოს ხელშეკრულებით გათვალისწინებული მომსახურების გაწევა NI დანართში მითითებული პირობების შესაბამისად;
- 6.1.2. წინამდებარე ხელშეკრულების NI დანართში მითითებული მომსახურების გაწევის გარდა, „მიმწოდებელმა“ ასევე უნდა უზრუნველყოს ქვემოთ მითითებული მომსახურების გაწევა, ასეთი მომსახურების მოთხოვნის დღიდან არა უგვიანეს 5 (ხუთი) სამუშაო დღეში (გარდა 6.1.2.7. ქვეუბნებისა):
- 6.1.2.1. უზრუნველყოს შენობების და მიმდებარე ტერიტორიების (სადარბაზო-ეზო) დალაგება, გარე განათების ელექტრო მომსახურება, დაზიანების შემთხვევაში ამსტრონგის ნათურების, დროსელების, ნათურის ბუდეების, შეკიდული ჭერის ბუდეების, ნათურების, ჩამრთველ-გამომრთველის, შტეფსელის, ელ. ავტომატის (63 ამპ. ჩათვლით) შეძენა-შეცვლა;
- 6.1.2.2. დაზიანების შემთხვევაში უზრუნველყოს კარ-ფანჯრების საკეტების და სახელურების, ასევე საკიდი პეტლის შეძენა-შეცვლა;
- 6.1.2.3. უზრუნველყოს მინების (მინა-პაკეტის) შეძენა-შეცვლა დაზიანების შემთხვევაში და სანტექნიკური მომსახურება, დაზიანების შემთხვევაში ონკანების, ონკანის მექანიზმების, დრეკადი მილების, სიფონების, ჩამრეცხი ავზების მექანიზმების შეძენა-შეცვლა;
- 6.1.2.4. უზრუნველყოს გათბობის სისტემების გამართულად ფუნქციონირებისათვის საჭირო მასალების, გათბობის ქაბის სათადარიგო ნაწილების, რადიატორის ონკანების შეძენა-შეცვლა, წყლის გამაცხელებელი ავზების შეკეთება, ასევე კონდენციონერების შიდა ფილტრების გაწმენდა (წელიწადში ერთხელ ზაფხულის სეზონის დადგომის წინ);
- 6.1.2.5. უზრუნველყოს გაქედვის შემთხვევაში საკანალიზაციო მილების გაწმენდა (შიდა პერიმეტრზე);
- 6.1.2.6. უზრუნველყოს ელექტრო საშრობის მონტაჟი და მისი გამართული მუშაობა;
- 6.1.2.7. „მიმწოდებელმა“ უნდა უზრუნველყოს მყარი იატაკის ქიმიური მორეცხვა სარეცხი, ჰიგიენური და სხვა საჭირო სანიტარულ-ჰიგიენური საშუალებებით მომარაგება, ასევე სადარბაზოსა და ეზოს დალაგება;
- 6.1.2.8. უზრუნველყოს საჭიროების შემთხვევაში უნიტაზის საკანალიზაციო-გოფრირებული (დრეკადი) მილის შეცვლა, ონკანებისა და ჩამრეცხი ავზების გამართული მუშაობა;
- 6.1.2.9. უზრუნველყოს საჭირო სანიტარულ-ჰიგიენური საშუალებებით სრულყოფილი მომარაგება;
- 6.1.2.10. უზრუნველყოს შენობების დეზინფექცია-დერატიზაცია.
- 6.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 6.1.4. დაიცვას ხელშეკრულებით გათვალისწინებული ყველ პირობა.

6.2. „შემსყიდველი“ ვალდებულია:

- 6.2.1. უზრუნველყოს „მიმწოდებლისათვის“ თანხის გადახდა ამ ხელშეკრულების პირობების შესაბამისად;
- 6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 6.2.3. დაიცვას ხელშეკრულებით გათვალისწინებული ყველა პირობა.

7. მხარეთა უფლებები

- 7.1. „მიმწოდებელს“ უფლება აქვს:
- 7.1.1. ხელშეკრულების ფარგლებში მოითხოვოს დროული და სრული დაფინანსება.
- 7.2. „შემსყიდველს“ უფლება აქვს:
- 7.2.1. აწარმოოს გაწეული მომსახურების ხარისხის კონტროლი;
- 7.2.2. განაცხადოს უარი უხარისხო მომსახურების მიღებაზე და მის ანაზღაურებაზე.

8. ფორს-მაჟორი

- 8.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შესრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.
- 8.2. გადაულახავ ძალად ჩაითვლება შემდეგი (და არა მხოლოდ):
- 8.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
- 8.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;
- 8.2.3. ეპიდემიები;
- 8.2.4. ბლოკადა ან ნებისმიერი ეკონომიკური ემბარგო;
- 8.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება ან ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და/ან ცვლის, წყვეტს ან აჩერებს ხელშეკრულების დებულებებსა და პირობებს.
- 8.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.
- 8.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).
- 8.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.
- 8.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

8.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

8.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

9. ხელშეკრულების პირობების და ფასების გადასინჯვა

9.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

9.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10. სადავო საკითხების გადაწყვეტა

10.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

10.2. თუ „შემსყიდველი“ და „მიმწოდებელი“ ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

11. ხელშეკრულების პირობების შეუსრულებლობა

11.1. ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების შემთხვევაში, მხარეებს ეკისრებათ პირგასამტეხლო შეუსრულებელი ვალდებულების 0,02%-ის ოდენობით, ყოველ ვადაგადაცილებულ კალენდარულ დღეზე.

11.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

11.3. იმ შემთხვევაში, თუ „მიმწოდებელი“ გადააცილებს ხელშეკრულებით გათვალისწინებული საქონლის მიწოდების ვადას 10 (ათი) კალენდარული დღით, „შემსყიდველს“ უფლება აქვს შეწყვიტოს ხელშეკრულება და მოსთხოვოს „მიმწოდებელს“ ჯარიმის სახით ხელშეკრულების ღირებულების 10%-ის გადახდა.

11.4. ამ მუხლით გათვალისწინებული პირგასამტეხლოს და/ან საჯარიმო სანქციების გარდა, თითოეული მხარე ვალდებულია, აუნაზღაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი კანონმდებლობით დადგენილი პირობების შესაბამისად.

12. ხელშეკრულების კონტროლი

12.1. ხელშეკრულების შესრულების კონტროლს განახორციელებს კოორდინატორი, სოციალური მომსახურების სააგენტოს სამეურნეო უზრუნველყოფის სამმართველოს -----.

12.2. კოორდინატორის ფუნქციებია:

12.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.

12.2.2. სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

13. ხელშეკრულების ენა

13.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცემა მხარეთა შორის, ფორმდება ქართულ ენაზე.

14. ხელშეკრულების შეწყვეტა

14.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

14.2. ხელშეკრულების 14.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.

14.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

14.4. ხელშეკრულება აგრეთვე შეიძლება შეწყვეტილ იქნეს:

14.4.1. ურთიერთვალდებულებების შესრულებით.

14.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

15. ხელშეკრულების მოქმედების ვადა

15.1. წინამდებარე ხელშეკრულება ძალაშია ხელმოწერის დღიდან და მოქმედებს -----.

16. დასკვნითი დებულებები

16.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

16.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

16.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

16.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

16.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

16.6. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებიან, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

16.7. წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა. შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით.

16.8. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არა უგვიანეს დადგენილი ვადის მომდევნო სამუშაო დღეს.

16.9. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

16.10. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმომწერ მხარეებთან.

17. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“